



889
PB: 48

Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Broj: 27-02-04-53704-17.1/25
Sarajevo, 2.12.2025. godine

SKUPŠTINA KANTONA SARAJEVO
n/r predsjedavajućeg Skupštine
- Ovdje -

PREDMET: Odgovor na zastupničko pitanje zastupnice u Skupštini Kantona Sarajevo Adne Mesihović, *dostavlja se*

Veza Vaš akt, broj: 01-04-53704-17/25 od 14.11.2025. godine

U okviru 26. radne sjednice održane dana 14.11.2025. godine, a u skladu sa čl. 211. i 214. Poslovnika Skupštine Kantona Sarajevo, zastupnica u Skupštini Kantona Sarajevo Adna Mesihović je u okviru tačke dnevnog reda „Poslanička/zastupnička pitanja, inicijative i odgovori“, postavila sljedeće zastupničko pitanje:

1. „Zašto do danas, 14.11.2025. godine nije objavljena lista dobitnika sredstava po Javnom pozivu za sufinansiranje naučnoistraživačkih/umjetničko istraživačkih i istraživačko razvojnih projekata i programa iz Budžeta KS za 2025. godinu, koji je objavljen 11.06.2025. godine. U budžetu za 2025. godinu u ovom ministarstvu su za realizaciju lotova iz ovog poziva planirana sredstva u iznosu 4.400.000 KM. Također, Vlada KS ima i zakonsku obavezu (Zakon o naučnoistraživačkoj djelatnosti, član 8. da svake godine osigura sredstva za podršku naučnoistraživačke djelatnosti u iznosu ne manjem od 0.65 %, od ukupnog budžeta KS, što bi u odnosu na prošlogodišnji budžet iznosilo oko 12 miliona), dodjeljenih sredstava (obzirom da se često kroz projekte nabavlja oprema)“?
2. „Zašto je jučer na web stranici Ministarstva objavljeno poništavanje dijela javnog poziva (dva esencijalna lota) a koji je, podsjećam, objavljen 11.06.2025. godine bez ikakvog popratnog objašnjenja, i to dva elementarna lota: Program A.la Sufinansiranje naučnoistraživačkih/umjetničkoistraživačkih i istraživačko razvojnih projekata od posebnog interesa za Kanton Sarajevo za koji je po javnom pozivu bilo namijenjeno 3.900.000 KM Program A.lb: Sufinansiranje naučnoistraživačkih/umjetničkoistraživačkih i istraživačko razvojnih projekata čiji su nosioci mladi istraživači, a za koji je bilo namijenjeno 500.000KM u javnom pozivu. Da li je ovo učinjeno zbog nedostatka novca“?

Ovim putem dostavljamo odgovor na zastupničko pitanje:

Ministarstvo za nauku, visoko obrazovanje i mlade Kantona Sarajevo je, u skladu sa Odlukom Vlade Kantona Sarajevo o utvrđivanju namjene, kriterija i načina raspodjele sredstava za podršku naučnoistraživačkoj djelatnosti iz Budžeta Kantona Sarajevo za 2025. godinu („Službene novine

Kantona Sarajevo", broj 22/25 i 23/25) (u daljem tekstu: Odluka), dana 11.6.2025. godine raspisalo Javni poziv za sufinansiranje naučnoistraživačkih, umjetničkoistraživačkih i istraživačko-razvojnih projekata i programa za 2025. godinu.

U dijelu B Odluke (Smjernice, kriteriji i dokumenti za Program A) - Osnovne upute za realizaciju pojedinih stavki koje mogu biti predviđene projektom, prijedlozi projekata svih programa trebaju da budu oblikovani na način da zadovolje slijedeće zahtjeve u vezi strukture troškova i načina implementacije:

1. U okviru realizacije projekta može se planirati nabavka naučnoistraživačke/umjetničkoistraživačke opreme maksimalno do 80% od ukupnog iznosa sredstava koja se traže iz ovog poziva, i to opreme koja je nužna za uspješnu realizaciju projektnih aktivnosti i ostvarenje projektnih ciljeva, a koja se obavezno specificira u prijedlogu projekta.

U fazi realizacije Javnog poziva nastupila su određena proceduralna i vremenska ograničenja, proizašla prije svega iz otežanog funkcionisanja Ministarstva u periodu prije i nakon raspisivanja poziva, što je onemogućilo blagovremeno i u potpunosti zakonito provođenje svih faza postupka propisanih Odlukom.

Posebno ističemo da je članom 7. stav (1) Odluke propisano da realizacija projekata mora započeti u 2025. godini, a sredstva za budžetske korisnike moraju biti utrošena do kraja fiskalne godine. S obzirom da je zbog navedenih okolnosti došlo do značajnog prolongiranja postupka, realizacija projekata i utrošak sredstava u roku više ne bi bili mogući na propisan i zakonit način. Dodatno, članom 15. stav (11) Odluke propisano je da Komisija za evaluaciju aplikacija svoj zadatak mora okončati najkasnije u roku od 90 dana od dana početka rada. Imajući u vidu obim prijava i složenost procesa evaluacije, te kašnjenja nastala u fazama administrativne obrade, Komisija ne bi bila u mogućnosti da u propisanom roku izvrši evaluaciju prijava po programima A.1a i A.1b što bi dovelo do neusklađenosti s odredbama Odluke i eventualnog rizika od proceduralnih nepravilnosti.

Također, značajan dio planiranih projektnih aktivnosti odnosi se na nabavku naučnoistraživačke i umjetničkoistraživačke opreme, pri čemu Odluka predviđa mogućnost finansiranja takve opreme do 80% vrijednosti projekta. Međutim, zbog navedenih vremenskih ograničenja i tehničkih procedura javnih nabavki, realizacija nabavke u okviru tekuće budžetske godine nije izvodiva u skladu sa Zakonom o izvršenju Budžeta i budžetskim kalendarom.

Istovremeno naglašavamo da se realizacija ostalih dijelova Javnog poziva, na koje se navedene poteškoće nisu odnosile, odvija u potpunosti u skladu s odredbama Odluke i planiranim budžetskim sredstvima, kako bi se osigurao kontinuitet podrške naučnoistraživačkoj djelatnosti u Kantonu Sarajevo.

Shodno navedenom, objava rezultata i dodjela sredstava za one programske komponente koje se nastavljaju provoditi biće realizovani u rokovima koji su u skladu s Odlukom i budžetskim okvirom.

S poštovanjem,

Dostaviti:

- Naslovu;
- Stručnoj službi Vlade Kantona Sarajevo;
- a/a.

